



Eminentissimi Ac Reverendissimi Domini, D. Joannis Baptistæ, Cardinalis De Luca, Theatrum Veritatis Et Justitiæ, Sive Decisivi Discursus

Ad Veritatem Editi In Forensibus Controversiis, Canonicis & Civilibus, in quibus in Urbe Advocatus, pro una partium scripsit, vel Consultus respondit ; Cum Indicibus Argumentorum, Causarum ac Rerum luculentissimis. Opus Tam Judicibus, Quam Causarum Patronis, atque omnibus in utroque Foro ...

Tractatus Primi Pars I. de Usuris, & interesse, Pars II. de Cambiis, Pars III. de Censibus, Pars IV. de Societatibus Officiorum

Luca, Giovanni Battista de

Coloniae Agrippinae, 1691

Rev. Cameræ Apostolicæ Tribunali. Joannes Baptista de Luca Felicitatem.

[urn:nbn:de:hbz:466:1-74112](https://nbn-resolving.org/urn:nbn:de:hbz:466:1-74112)

REV. CAMERÆ
APOSTOLICÆ
TRIBUNALI.

JOANNES BAPTISTA DE LUCA
FELICITATEM.

VSURAS necessarias exigere mutuatori lex prohibet, mutuario verò pro accepti beneficii merito, & ex illa obligatione, quam nos *Juristæ Antidordalem* dicimus, voluntarias præstare nedum permittit, sed quodammodo præcipit; Cùm itaque in mea diuturna Advocationis negotiatione, ipsis meis laboribus editis ac edendis edocentibus, hoc AMPLISSIMUM TRIBUNAL ingens mihi fuerit mutuator, dum eorumdem laborum magna pars præsertim de FEUDIS & BULLA BARONUM, de REGALIBUS, ac de SERVITUTIBUS & UTROQUE RETRACTU, in ipso TRIBUNALI, vel in ejus filialibus Congregationibus BARONUM, MONTIUM, & COMPUTORUM tractata fuit: Ex dictæ obligationis impulsu, ne sim reus legum, quas aliis suadeo, hoc mei THEATRI volumen de USURIS, CAMBIIS, CENSIBUS, & SOCIETATE OFFICIORUM sub VESTRI nomine & tutela publicæ luci exhibeo, ut ita mei debiti ac obsequii usuras persolvam, beneficiorum cambium præstem, ac me censitum agnoscam.